

Das neunde

Die im alder nit gern tragen. Hiemezliche phlegen yn ire ohren zü smyren vnd ist gar gut. Das in dor hynder nit wachsen sulkeit vnd geswere vom den sprocken vnd hundes fligen vnd stöen Das lerne vnd mach das zim dickern mole also. Nym grosse nüsse vnd zü ryb die wol wann sye in was ser geweicht syn ein langes mol. vnd smire das hynder ire ohren Wann es wirt gar mancher von grossen wech wütende in synen iungen iozen. Auch das dye wolffe sye nit an griffe soltu in lossen machen hals bandt dy sollē gemacht syn vō ysen mit negeln durch slagen. vnd dor vnder mit weichen leder gefudert das yn yr hals nit schebig werde. **N**och der menige diner schoff oder geys soltu auch bestellen die hunde vil oder wenig. Auch mustu dor vff sehen. ab du nohen by den welden weydest dyne schoff wann wo die döffer wyt syn vnd die welde nohe. do bringē vil hunde gross sein strommen. Doch zwen vff das weingste syn wol not. ein man vnd eyn wyb ist der beste rot. Was also syn sy vil flyssiger vnd macht einer den andern freydiger. Auch wā einer nit tōglich wer von swachheit wegē. so weren doch dy tyeer nit sinder phleger. Des nachtes lerne sye wachen vber dyne schoff. vnd am dage gib yn eyn zyt zü lossen.

Das. lxxix. capitel. Wie vil vnd welcherley sollen hyrtē syn.



Zü grossen vihe syn hyrtē not eines volkommenen alters. Czü dēynē vyhe mögen vnder zyten iur ge knaben gnugsam syn. Auch wann das vyhe vff bergē oder welden vorlibet. ist mehr not vorstendiger manne wann die nohen by den döffern weyden. In den bergē ist vnder zyten not geharnischer menner. so in dem velde mögen hüten swache wyber. Am dage mögen vil hyrtē weyden by vnd mit ein alle. des nachtes muß izlicher zü syner herdt. **E**ines herren od richen mannes vil hyrtē sollen haben ein obermeister das er sy regire wann er soll mehr vorfucht syn wann dy andern. **E**r sol auch soliches alders syn das im das alter an der grossen erkeit nit sy eyne pyn Wann gar alde vnd gar unge syn nit tōglich zü so manchem sprunge. nemlich die noch sollē ghan den herden der rynder vnd der geys den berge vnd welde bequemen